

SKUPŠTINA KANTONA SARAJEVO
NAROD I PRAVDA

MINISTARSTVO SAOBRAĆAJA
KJKP "Gradski saobraćaj" d.o.o Sarajevo

PREDMET: ZASTUPNIČKA INICIJATIVA

Na osnovu članova 106. i 214. Poslovnika Skupštine Kantona Sarajevo ("Službene novine Kantona Sarajevo" broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24) podnosim zastupničku inicijativu Kantonalnom javnom komunalnom preduzeću "Gradski saobraćaj" d.o.o Sarajevo:

- Da revidira red vožnje tramvajskog saobraćaja na relaciji Ilidža – Bašćaršija i intenzivira frekventnost vožnji iz pravca Bašćaršije u periodu od 15:00 do 17:00 sati.
- Da zabrani iskrcavanje putnika na ostrvu kružnog toka na Ilidži.

OBRAZLOŽENJE:

S obzirom da su u periodu od 15:00 do 17:00 sati primjetne veće gužve u javnom gradskom prijevozu na relaciji od Bašćaršije ka Ilidži, (a posebno od 15:30 do 16:30) potrebno je prilagoditi red vožnje protoku putnika. Nerijetko putnici iz pravca Bašćaršije čekaju tramvaj duže od 15 minuta, a po dolasku na Ilidžu se često ne mogu odmah iskrcati na tramvajskom stajalištu zbog velikog broja već parkiranih tramvaja na koje su prethodno čekali. Vozači potom pribjegavaju iskrcavanju putnika na ostrvu kružnog čime se dovode u opasnost, kako putnici, tako i učesnici saobraćaja u kružnom toku. Usput se uslijed nepropisnog iskrcavanja putnika uništava zelena površina kružnog toka koju drugo javno preduzeće uzaludno pokušava održati uređenom.

Gomilanje tramvaja na početnoj stanici i čekanje na iste na drugoj strani je očito posljedica neadekvatnog reda vožnje, a ne nedostatka vozila, te molim da se hitno pristupi revidiranju reda vožnje shodno stvarnim potrebama putnika.

Mersiha Mehmedagić, zastupnica, s.r.